


"OMVS" jamana kuntigiw ka Moritani kunbèn 8 nan



"OMVS" JAMANA KUNTIGIW ZENERALI MUSA TARAWELE, ABUDU JUFU NI ULUDU TAYA KA NYOGONKUMANYOGONYA

K'a ta san 1985 marisi kalo tile 24 na, k'a bila a tile 26 la, nyogondèmè jèkulu min sigilen bè Senegali ani Moritani ni Mali cè, n'a bè wele ko "OMVS", o jamana kuntigi saba y'u ka kunbèn 8 nan baaraw kè Moritani jamana kónò.

Barasiba fila, n'olu ye Jama ani Manantali ye, olu dilanni bè "OMVS" sigikun na, ni jòyò-

rò ye, min ka bon kosèbè, bawo, olu de bèna kè sababu ye ka jiko nógóya, sóró yiriwali ani nyètaa siraw bée kan, a jamana saba kónò.

O baaraw jateminèra, a Peresidan saba fè, n'olu ye Abudu Jufu, Uludu TAYA ani Musa TARAWELE ye, k'a jira ko baara kologirinw don, minnu nyogón tè Afiriki tilebinyanfan fè.

Min y'u nafaw ye,

Moritani kunbèn 8 nan baaraw y'olu fè-sè-fèsè, k'u bila jèkabaara, kelenya ani siginyogónya minenw kónò. O de kósón, jamana kuntigi saba da sera bèn-kow ni cèsirikow na, walasa jamanadenw lafiyalikow nógóyali bè sira sóró jona cogo min na.

Baaraw kuncèra san 1985 marisi kalo tile 26 don, wasa ni nisóniya kan, minnu bè bée hakili sigi.

UDPM laadala kóngèrè 2 nan bè sen na

Malidenw ka kelesya Pariti "UDPM" min bangeli san 6 nan ye nyinan san 1985 ye, n'a ka laadala kóngèrè 2 nan baaraw daminèra alamisa, marisi kalo tile 28 don, o sigili wale kórów latèmèlicogo faamuyali kósón, a jamalajèlaw kèra tuma minnu na, olu kunbaba dów file in ye:

San 1979, marisi kalo tile 28, 29, 30 ani 31 donw, o kèra Pariti "UDPM" sigili kóngèrè de ye Pariti laadili jamakulu fóló sigi; ka Pariti kow latèmè jèkulu fóló "BEC" sigi ani Pariti sekeretèri zenerali fóló, n'o ye peresidan Musa TARAWELE ye, Mali fangaso kuntigi.

San 1981, fewuruye kalo tile 10, 11 ani 12 donw, o kèra Pariti "UDPM" ka kóngèrè balalen fóló ye, min nyinina Pariti laadili jamakulu ka san 1980 lajè dó sen fè. O sababu bóra jateminè de kan, min y'a jira ko kow latèmèli tun bè ka sumaya sèkisónw kónò; ko taamasen kura ka don Pariti kóró, ja-

mana kónò, wala-sa, a ko dabóra min kósón, o ka nyè.

San 1982 fewuruye kalo tile 23 n'a 24 donw, o kèra Pariti "UDPM" ka laadala kóngèrè fóló ye, Bamakó. O sen fè, kuma gèlèn caman fóra, walasa ka Pariti walew sankóróta. Segin kèra politikiko, sóróko, nafako, hadamadényako, dugutónko, tasumadonko, to-bilidibiko, jirituruko, nakóko ani yè-rèdèmè baara wèrè caman kan, k'olu jòyórów girinya jira, cogo bée la. Laadamuli ni kólósili komitew sigili nyinina, minisirisow bée hakè la. Pariti lakólisoko basigili jèyara. Dugu yiriwali tónkow sigili fóra, k'a gèleya. Tasumadonko kónna, cogo bée la. Jirituruko kanuna cogo bée la.

Kuna lasurunya la, Pariti "UDPM" ka laadala kóngèrè filanan in, min dayèlèla ni Peresidan Musa TARAWELE ka nyogónbilasira kuma nafamaw ye, o bèna jateminè kè, ko dantigèlèn kórów latèmèli cogo kan, wala-sa ka dó fara yiriwali ni nyètaa walew kan.

"OMVS" bè jigisèmèlan bò

Mali ani Senegali ni Moritani jamana nyèmógów n'a kónò mógów bolo, "OMVS" ye yiriwali ani nyètaa misali de ye, min nyogón tè Afiriki tilebinyanfan kónò k'a d'a nafa kan, bònógóla siratigè la.

Nin kórofo in kuntigèra Peresidan Musa TARAWELE fè, kunnafonidi sen fè, a da sera min na, Nuwashóti. Moritani faaba kónò, "OMVS" jamana kuntigiw ka kunbèn 8 nan hukumu kónò.

Nafa minnu bè "OMVS" jèkulu ka fèerè tigèlèn na, n'olu fanba nyèsinnen bè Senegali babolo donni ma da la, ni Jama ani Manantali babiliw dilanni ye, olu bonya n'u girinya bè jigisèmèlan bò.

Jamana saba mana jè, k'u jigi da nin nyogón fèerèw kan, i b'a sóró, u

bèe kelen-kelen nyè b'u ka nafa de l'a la. O de kósón a jamana kuntigi saba bée, Abudu Jufu, Musa TARAWELE ani Uludu TAYA, olu ma foyi bila "OMVS" fèerè tigèlèn latèmèli nyè, n'olu ye babilikow ye, minnu bèna kè sababu ye ka wale caman nógóya baara caman kèli sira kan.

O walew n'o baaraw la, jamanadenw jigi faliko dów b'olu la, minnu latèmè konyuman bèna mógó miliyón caman lafiya, sóró sira kan.

Jigifali wale fóló ye jiko ye. Babili ye jiko ye. Babili fila mana baara daminè, tuma min na, ji bè walankata, ka kuran bó, cogo bée la; a bè woyo, ka forokènè labó, cogo bée la; a bè lafoni, ka binkènè lafalèn cogo bée la.

Jigifali wale filanan ye jikan ku-

runw, i n'a fó "batów" babilili ye. Mali ni Senegali, cè, bawo, Manantali babili dilanni bèna Senegali babolo bila kókóji la. N'o kèra, minenw laseliko nógóyali baara joré bè ban pewu.

Jigifali wale tów nyèsinnen bè izinikow, mónnikow, sènekow, baganmarakow, jiriturukow ni nakókow baaraw nógóyali ma, jamana saba kónò mógów bolo, sanko, minnu mana sòn, ka b'u woloduguw kónò ka t'u sigi babèlow kan.

Jigifali laban minnu bè "OMVS" fèerèw la, olu nafama dów ye jamana saba mógów gerèli ye nyogón na, sóró kènè kan. O gerèli tè dó wèrè ye bèni kèlenya kó, minnu nyinina "OUA" fè, Afiriki jamanaw ka gèleyaw kèlècogo nyuman siratigè la.

Peresidan ka nyògònyew

Ntènèndon, marisi kalo tile 18, san 1985, Mali foroba Pariti "UDPM" Sekeretèri zenerali ni jamana kuntigi zenerali Musa TARAWELE ye jamana hòronyalenw ka tònba bolofara "PNUD", min nyèsinnen don Afiriki jamanaw demèni ma o kuntigi Piyèri kilawèri DAMIBA bisimila.

ma, n'o ye "PNUD" ka sininyèsigi baaraw ye Mali kòndò ani "PNUD" kuntigiba ka foli kèrènkèrènnen, n'o ye Baradifòri MORISI ye, k'o lase Mali fangaso kuntigi ma.

O nó goni na, Mali jamana kuntigi ye Yasèri ARAFATI, Palèsini Fasokumabò jèkulu "OLP" kuntigi, ka cidèn dò bisimila, n'o ye HAMEDI KURI ye, ni "OLP" nyèmogò laadibaga don sòrò konyèw la. a tun nana ni Yasèri ARAFATI ka sèbèn dò ye k'o lase zenerali

Zenerali Musa TARAWELE ni "PNUD" nyèmogò in ka baro ntuloma tu n ye Mali demèbagaw ka lajè kura nyèsigi kuma ye, u ye caman fò min kan, k'a kunkun n'a nyènyèn tòmò. O kò, DAMIBA da sera a nakun jónjón



MALI KELENYA PARITI "UDPM" NI JAMANA KUNTIGI ZENERALI MUSA TARAWELE NI "OLP" NYEMOGO KA CIDEN KA NYOGONBARO

Musa TARAWELE ma. U ka kuma nafama yòrò tun bè Mali ka demè kan ka Palèsinidenw lafasa u ka hòronya kèlè la

"OLP" ka hukumu kòndò, ani Yasèri ARAFATI ka foli, tanuli ani walenyumandòn ka taa Mali jamana kuntigi yòrò ani Mali-


denw bée lajèlen, "OLP" Fasokumabò jèkulu jukòromadondonni na. U da sera fana larabu jamanaw kòndòròkòw ma.

"UNJM" kèra "MPJ" sekeretèri zenerali ye

Sanga ni waati bée, Mali kelenya Pariti "UDPM" Sekeretèri zenerali ni jamana kuntigi zenerali Musa TARAWELE b'a jira ko: dannaya tè jagofèn ye, min bè san wali k'a feere; ko fèn don min tè sòrò nyèkoji la; ko dannaya ye fèn ye, min bè sòrò wòsiji de la, laadiriya walew sen fè.

mana kòndò, k'a daminè marisi kalo tile II na f'a tile 16, san 1985, o tònsgilaw y'u wasa don Mali funankèninw ka kelenya jèkulu "UNJM" la, k'a kè Afiriki denmisènw ka tònba Sekeretèri zenerali ye san 4 kòndò.

Bamananw b'a fòli min kè ko kam b'a nyèmogò tòn filè: nkalon t'o kuma la k'a fò ko n'i y'o




filè, n'o y'a sòrò i nyèmogò bè sira nyuman kan, i yèrè bè sira nyuman ta. O de kòsòn, an bè se k'a fò, ko dannaya ani bonya ni karama min dara "UNJM" kan, i n'a fò Mali denmisènw ka jèkuluba nyèmogò Amadu Dawuda JALO yèrè y'a fò cogo min na, o sòrò la an ka Pariti n'an ka jamanadenw ka laadiriya walew de la, filankafoya fan si tè minnu na.

Amadu Dawuda JALO y'a kanbò Malidenw bée ma a seginnen kò ka bò tònsgikènè in kan, k'an ka dò fara an ka cèsiri kan halisa ka dannaya sinsi min dar'an kan. A y'a nyini Mali denmisènw bée fè, an kana sòn a ka f'an na bi sama, sini k'a f'an ma son-san.

Afiriki denmisènw ka jèkulu ka lajèba wòronan y'a tègè fali min kè "UNJM" la, ka tònba in Sekeretèri zenerali ka walew latènè Mali ka bolo kan san 4 kòndò,

o ye fèn ye, min y'an ka jamana nyèmogòw bée lajèlen nimisi wasa.

O la sa, an man kan ka nyinè ko kelen kò, o ye doni girinya ye, min dar'an kan. An ka kan ka ko bée kè k'o doni ta a tacogo la fo ka se a jiginyòrò ni timinandiya, dusu, hakilinyumanya ni hakilisigi ye.



Mali jamana fangaso kuntigi ma kuma lankolon fè. An bè se k'o misali ta a yèrè kan; a ka hère nyinini walew ni faso ni hadamadenya kanu, n'a ka cèsiri, ka fitinè duga hadamadenw ni nyògòn cè, o kèrà a bolo sababuw ye, dinyè hadamaden sèbèw ka jalaw d'a ma. zenerali Musa TARAWELE ka kèwale nyumanw de ye dinyè jamana caman nyèmogòw tègè f'a la, fo kana o dannaya jènsèn Malidenw bée hakè la, sanko Mali jamakulutonw n'u nyògònaw.

O de y'a to Afiriki denmisènw ka lajèba min kèra Arusha, TANZANI ja-